




ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ՆԱՄԱԿԸ
ԱՄԵՐԻԿԱՅԻ ՄԻԱՑՅԱԼ ՆԱՀԱՆԳՆԵՐԻ ՆԱԽԱԳԱՀ
Ռ. ՌԵՅԳԱՆԻՆ

ՆՈՐԻՆ ԳԵՐԱԶԱՆՑՈՒԹԻՒՆ ՏԻԱՐ ՌՈՆԱԼԴ ՌԷԿԸՆԻՆ
ՆԱԽԱԳԱՀ ԱՄԵՐԻԿԱՅԻ ՄԻԱՑԵԱԼ ՆԱՀԱՆԳԱՑ

Ուաշինգթոն

Ձերդ Գերազանցություն,

Սոյն տողերը յղում է Ձեզ Հայ Առաքելական Եկեղեցու գլուխ Վազգեն Ա Ամենայն Հայոց Պատրիարք-Կաթողիկոսը, հայ ժողովրդի քրիստոնեական հաւատքի բազմադարեան կենտրոն Սուրբ Էջմիածնից ի Սովետական Հայկական Հանրապետություն:

Ձեզ ենք գրում յարգալից պաշտումներով և խոր գնահատանքով դէպի ամերիկեան ժողովուրդը, որին ճանաչել ենք 1960 և 1968 թուականներին, ձեր մեծ երկիրը Մեր այցելութեանց առիթներով: Ճանաչել ենք ամերիկեան ժողովուրդին իբրև կենսուրախ և բարեհոգի, իբրև խաղաղ ու ստեղծարար աշխատանքի ժողովուրդ: Վստահ ենք թէ մեր օրերին ևս այդ նոյն առաքինութիւններով ներշնչուած են ամերիկեան մեծ հայրենիքի զաւակները:

Ձերդ Գերազանցություն,

Այս գրութիւնը ուղղում ենք Ձեր քրիստոնեական խղճին, որպէսզի Ձեր միջապալին հեղինակութեան բարձունքից նպաստէք միջուկային պատերազմի արգելման, նպաստէք ընդհանուր պինաթափման հրամայականին, նպաստէք աշխարհում խաղաղ գոյակցութեան վերջնական հաստատման, այն ինչ երազեցին և ուխտեցին 1945-ին, Սան Ֆրանցիսկոյում Միացեալ Ազգերի Կազմակերպութեան հիմնադիր պետութիւնները:

Գիտակցում ենք, որ ընդհանուր պինաթափման և ապգութիւնների խաղաղ գոյակցութեան հրամայականները մեր օրերի բոլոր ժողովուրդների լայն պանգուածների, բոլոր եկեղեցիների ու կրօնական կազմակերպութիւնների

գերագույն իդձն են հանդիսանում և դէպի երկինք բարձրացող ամենաշերտ աղօթքը, որի պայծառ արտայայտութիւններից մէկը եղաւ Յունիսի 14-ի պատմական նամակը Ռուս Պրաւոսլաւ Եկեղեցու գլուխ՝ Նորին Սրբութիւն Պիմեն Պատրիարքի, ուղղեալ Չերդ Գերազանցութեան, մի գրութիւն, որ Մենք ևս ողջունեցինք բարձր գնահատանքով: Մեզ միտքարութիւն պատճառեցին ու լաւատեսութեամբ համակեցին մանաւանդ սովետական կառավարութեան Չեչ ուղղեալ առաջարկը՝ ատոմական զենքերի փորձարկման մորատորիումի, և ծրագիրը՝ ատոմական և քիմիական բոլոր տեսակի զենքերի աստիճանաբար կրճատման, որով նախատեսուում է այդ զենքերի իսպառ վերացումը մեր աշխարհում մինչև մեր դարի վերջը:

Թող տուէք Մեր վստահութիւնը յայտնել թէ Չերդ Գերազանցութեան կառավարութիւնը ևս իր բոլոր միջոցներով պիտի նպաստի վերոյիշեալ փրկարար ծրագրերի կենսագործմանը, որով քսանմէկերորդ դարի արջալոյսը պիտի հանդիսանայ աւետաբերը մարդկութեան նոր կեանքի, առանց սրի և հրի:

Նոյն լուսաւոր յոյսերով, Մենք ևս դիմում ենք Չեչ և Չեր պատասխանատու գործակիցներին, որ ամէն բանից վեր նկատուի խաղաղ ու արդար մի աշխարհի, առանց պատերազմների մի աշխարհի կառուցումը, որի համար երկիր եր իջել մեր Փրկիչը Յիսուս Քրիստոս և խաչի տառապանքը կրել մարդկանց մեղքերի համար:

Քաջ գիտակցում ենք, որ մարդկութեան առջև կան նաև այլ հրամայական հարցեր, որոնք սպասում են իրենց լուծումը ստանալ: Բայց համոզուած ենք, որ նման հրամայական հարցեր իրապէս կարող են լուծուել միայն և միայն խաղաղութեան պայմաններում: Մանաւանդ յետ այսու ոչ մի պատերազմ, ոչ մի սպառազինութեան մրցավազք չի կարող որևէ քաղաքական, տընտեսական, ընկերային կամ բարոյական հարց լուծել: Ահա թէ ինչու մեր օրերին աւելի քան երբեք այժմեական է Յակովբոս առաքեալի պատգամը՝ «Արդարութեան պտուղը խաղաղութեամբ է սերմանում նրանց համար, ովքեր խաղաղութիւն են անում» (Յակովբոս առաքեալ Գ 18):

Այո, մանաւանդ յետ այսու, ապգամիջեան բոլոր արդար հարցերը միմիայն խաղաղ գոյակցութեամբ հնարաւոր է լուծել:

Ահաւասիկ, Չերդ Գերազանցութեան ուղղեալ Հայ Եկեղեցու առաջին սպասաւորի սրտի խօսքը, որ բխում է նրա քրիստոնէական խղճից և նրա ժողովրդի ողբերգական փորձառութիւններից: Յիրաւի, Հայ Եկեղեցին ու նրա հաւատացեալ ժողովուրդը, դարեր շարունակ ոտքի կոխան են եղել ու բազում անգամներ նահատակուել վասն Յիսուսի և վասն հայրենիքի ազատութեան աւելի հզօր դրացիների պատերազմների ընթացքում: Մի Եկեղեցի ու ժողովուրդ, որ ապրել է նաև մեր դարի առաջին ցեղասպանութիւնը, առաջին համաշխարհային պատերազմի՝ 1915—1916 թուականներին, որին զոհ է գնացել շուրջ երկու միլիոն հայ ազգաբնակչութիւն Արևմտեան Հայաստանում Օսմանեան տիրապետութեան շրջանին: Մի Եկեղեցի ու ժողովուրդ, որի կէտը հրաշքով փրկուեց Արևելեան Հայաստանում, որ այսօրուայ խաղաղ ու ապահով պայմաններում գոյատևող և վարճացող Սովետական Հայկական Հանրապետութիւնն է:

Մեր Եկեղեցին, մեր հաւատացեալ ժողովուրդը ի Հայաստան և ի սփիւռս աշխարհի, որի աւելի քան կէս միլիոնը այսօր ձեր երկրի շինարար քաղաքացիներն են, չեն կամենում պատերազմ, չեն կամենում սպառազինումներ, չեն կամենում նոր ցեղասպանութիւններ, աշխարհակործան նոր ողբերգութիւններ:

Չերդ Գերականություն, չգիտենք Մեր այս կոչը ի՞նչ արձագանք պիտի գտնի Չեր հոգում, սակայն ամեն պարագային Մենք պիտի մնանք աղօթող, որ մարդասերն Աստուած պորավիզ դառնայ Չեզ՝ իրագործելու աշխարհի ժողովուրդների լայն զանգուածների բաղձանքը ընդհանուր պինաթափման և պետությունների համերաշխ գոյակցության, որով Չեր անունը ևս պիտի արձանագրուի պատմության գրքում իբրև մեծ ճարտարապետներից մեկը խաղաղ ու արդար մի ապագայ աշխարհի կերտման:

Մաղթում ենք Չեզ հոգու խաղաղություն, համբերություն և լաւատեսություն:

«Այսուհետև պօրացէք Տիրոջով և նրա պօրութեան կարողութեամբ» (Առ Եփես. 2. 10): Ամէն:

ՎԱԶԳԷՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,

14 Յուլիսի 1986 թ.

